

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARIO

DI ARUBA

Bo Matutino Netamente Arubiano

DIAMARS 16 FEBRUARI 1988

ABONADO PA LUNA 15,00 FLS. * EJEMPLAR 0,60

ANA 8 NO 2211

PASAHERONAN DI KLM A PASA SUSTO DI NAN BIDA

GRIEP A MATA CRIATURA DI DOS AÑA

ORANJESTAD(AAN)—Diasabra pa mas o menos 7.20 or di mainta e noticia a drenta na warda di Polis cu pa mas o menos 1'or di madrugada un mucha a bira hopi malo y na yegada na hospital el a fayece.

Miembronan di Recherche a acudi na hospital pa investiga un ke otro. Na hospital nan a combersa cu Dr. Waveren kende a atende e mucha.

Tabata trata aki di e mucha Rhiane Richardson naci dia 24-8-1985 na

Sint Maarten.

Segun Dr. Waveren e mucha tabata tin griep. Causa di e morto tabata cu e mucha a saca y a stik den esaki.

Na familianan di e difunto DIARIO ta extende palabranan di condolencia.

Gruponan a presenta espectaculo



Na un forma espectacular Aruba a celebra Carnaval. Pa un reportahe completo di tur loke a pasa durante fin di siman, lesa edicion di awe.

RESULTADONAN CONCURSO TRAILER DIARIO

ORANJESTAD(AAN)—E jurado, consistiendo di Joa Beke, diseñadora na Emco, Imelda de Cuba di Publicidad Virgo, Mario Tromp, maestro den pintura y Leo Kuiperi, caritaturista, a yega na e siguiente premiacion den e Concurso Trailer DIARIO.

TRAILER MIHOR PINTA

PROMER PREMIO DI MIL FLORIN
Junior Oduber, Seroe Janchi 54

Trailer nr. 11 cu entre otro emblema t-shirt DIARIO

SEGUNDO PREMIO DI 500 FLORIN
Ronny de Cuba Seroe Alejandro 14
Trailer nr. 3 Payaso lesando DIARIO

TERCER PREMIO DI 200 FLORIN
Josy Yacopucci, Sabana Liber 20
Trailer nr. 18 Morocho

TRAILER MIHOR DORNA

PROMER PREMIO DI MIL FLORIN
Juan Kock, Pavilla 72
Trailer nr. 38 Reina di DIARIO, Faraon

SEGUNDO PREMIO DI 500 FLORIN
Marco Rasmijn, Angochi 3
Trailer nr. 23 Exposicion DIARIO

TERCER PREMIO DI 200 FLORIN
Edwin Tromp, Paradera 164 A
Trailer nr. 12 Homber lesando DIARIO

DIARIO ta yama danki na e personanan cu a forma parti di jurado y durante henter fin di siman a pasa tur e trailernan DIARIO pa asina haya un bon vista ariba loke a keda presenta. Ta pidi tur ganador pa presenta na oficina di DIARIO, durante horanan di trabao, esta entre 8 or di mainta te 5 or di atardi, iniciando awemerdia 12 or, pa busca nan premio. Por favor trece un documento pa establece identidad.

Na tur otro persona cu a participa na e concurso, DIARIO ta yama danki. Diasabra personal di DIARIO a pasa parti un premio sorpresa pa tur cu tabata presente na nan trailer, pa asina demostra aprecio.